

OFFICIUM INTERLINGUISTICUM BUDAPESTIENSE.



Dom.

prof. Giuseppe Peano

Cavoretto-Torino.

Budapest, 26.1.30.

Honorato coidealista,

Juncto es articulo de consocio Hartl.

Me non pote mitte articulo super conferentia futuro in Frankfurt, nam id non pote habe loco. Causa es sequente: IALA /Mrs. Morris/ ipso praepara uno conferentia in Geneve /20 martio-2 aprile/, successu de quo habe garantia in statu finantiale de ce organizatione Americano.; nam IALA paca expensas de itinere et de residentia pro personas, collaboratione de qui organizatores /Mrs. Morris, prof. Jespersen, etc/ puta importante. - Coram ce factos, Dr. Auerbach et me puta inutile et impossibile uno secundo congressu in idem anno. - Usque nunc me non pote comunica ce ad membros de comitatu quem nos convoca, nam homo scribe ad me, que id debe fi tracto etiam in modo confidentiale.

Me es gratioso, si Vos ~~s~~cribe ad me observationes critico super articulo "Eine neue Wissenschaft?", pag.1. de Comm.9. Si Vos desidera de auxilia etiam in modo activo progressu de ce novo disciplina quem me propaga, tunc me preca Vos de comunica ad me ce inclinatione. Nam me habe uno projecto, quem me pote realiza solum, si me pote recipe Vestro auxilio admirabile. /Hic me pote recapitula "bilantia" de meo projectos dum a.1928-29; id demonstra uno "activo": officio interlinguistico, periodico, comitatu pro terminologia habe successu, centrale bibliographico et conferentia interlinguistico non pote fi actuato./

Libertate de meo periodico non es exaggerante. Me refuta numero satis alto de articulos inapto. Comm. es ante omne organo de interlinguistica, sed me desidera, ut id fi quasi observatorio de vita interlinguista. Ergo parte essentielle de id es bibliographia, et es in futuro etiam rubrica Breviter. - Pro demonstra systema, me nunc cita summario de ultimo numero de ce punctu de visa. Scientia de interlinguis /interlinguistica/: Eine neue Wissenschaft? - Li future de interlingue. - Classification.o de interlangue.oj. - Claves grammaticales. Linguistica normativo: Regulas pro interlingua. - Uniti Lanxgue. - Observationes pri Novial. - Pri la nombro. - Historia de interlinguas: Variante.oj kaj reforme.oj de Espo. - An Vos puta utile de introduc tale classificatione secundum rubricas in revista ipso?

Solventes scribere scribentibus. Peano.

Me es parato ad unione maximale cum Api, et me considera tale unione sicut honore pro meo opere et persona. Me es etiam parato da labora pro et in Api secundum meo tempore libero. Ergo me preca Vos de indica Vestro desiderios in ce directione. - Sed me debe observa: 1. Interlinguistas in generale considera Api /certum in modo injusto/ organizatione pro Lsf. 2. Api in facto ~~habe contactu forte inter membros, i.e.,~~ non posside contactu forte inter membros, i.e., habe pacu membro activo. Pro eliminana ce duo obstaculo, homo debe pone centro de gravitate de Api in periodico cum ad minimo uno rubrica abso- luto neutrale. Es necessario reorganizatione de Sev.